

**LIÇENSË**  
**PËR**  
**PRODHIMIN E ENERGJISË ELEKTRIKE**

Numri i Liçensës:

---

Certifikata e Regjistrimit:

---

Seria:

---

Data e Hyrjes në Fuqi:

---

Liçenca i jepet:

---

Shoqëria:

---

NUIS:

---

Detyrimi për shërbimin publik:

---

Data e hyrjes në fuqi :

---

Kohëzgjatja :

---

Bazuar në autoritetin që i është dhënë në Pjesën e Pestë të Ligjit Nr. 43/2015 “Për Sektorin e Energjisë Elektrike”, Enti Rregullator i Energjisë (“ERE”) i jep këtë Liçensë Prodhimi (“Liçensa”), për të kryer aktivitetin e prodhimit të energjisë elektrike (PEE) ose/dhe për të përmbushur detyrimin e shërbimit publik/universal, Personit të lartpërmendur, i quajtur “I Liçensuari”, subjekt i Kushteve të kësaj Liçense si dhe kushteve të përcaktuara në Vendimin e Bordit të ERE-s. Kjo Liçensë hyn në fuqi në datën e shkruar më lart dhe do të vazhdojë të jetë në fuqi për një periudhë prej \_\_\_\_\_, në rast se nuk përfundohet ose pezullohet nga ERE-ja në përputhje me Kushtet e Liçensës të përfshira këtu.

**KRYETARI I ERE-s**

**REPUBLIKA E SHQIPËRISË**  
**ENTI RREGULLATOR I ENERGJISË**

**KUSHTET E LIÇENSËS**  
**PËR**  
**PRODHIMIN E ENERGJISË ELEKTRIKE**

Numri i Liçensës:

---

Seria:

---

I jepet: (emri i plote i te licensuarit)

---

## 1. Dispozita të Përgjithshme

1.1 ERE është autoriteti i vetëm në Republikën e Shqipërisë, i njohur sipas Pjesës së Pestë të Ligjit Nr. 43./2015 “Për Sektorin e Energjisë Elektrike”, për të lëshuar dhe deklaruar hyrjen në fuqi të kesaj Liçense.

1.2 Nese ndonje kusht i kësaj Liçense bëhet nul ose shfuqizohet, ky kusht do të hiqet nga Kushtet e Liçencës dhe Kushtet e mbetura të Liçences do të vazhdojnë të jenë plotësisht në fuqi.

1.3 Asetet e të licensuarve me kapacitet të instaluar mbi 1 MW, apo kur asetet të cilat kërkohet të transferohet, kalojnë vlerën prej 150.000.000 lekë kërkohet miratimi i ERE.

1.4 ERE-ja ka të drejten ekskluzive për të ndryshuar këtë licensë, në rast se kushtet dhe rrethanat kanë ndryshuar si dhe për të përmbushur dispozitat e çdo Kodi Rrjeti, Kodi Shpërndarje, Kodi Mates dhe Rregulla Tregu të miratuara nga ERE sipas Legjislacionit në fuqi.

1.5 Në çdo kohe, i Liçensuari do të mbaje vetëm nje liçensë për Prodhimin e Energjisë Elektrike.

1.6 Ne këtë Liçencë përfshirë Kushtet e Liçencës dhe Anekset e saj, përveç kur konteksi e kërkon ndryshe, termat e përdorur do të kenë kuptimet sipas Ligjit Nr.43/2015 “Për Sektorin e Energjisë Elektrike”, si vijon:

<b>Shërbimet Ndihmëse</b>	Janë shërbimet e nevojshme për operimin e qëndrueshëm të sistemit të transmetimit ose shpërndarjes.
<b>Biznesi Shoqerues</b>	Çdo biznes tjetër që direkt ose indirekt, tërësisht ose pjesërisht: 1. është prone e të Liçensuarit; ose 2. ka pronësi të Liçensuarin; ose 3. është në pronësi të nje Personi, i cili është pronë e të Licensuarit
<b>Ndër-Subvencionimet</b>	Transferim fondesh ose ndarje kostosh Brenda llogarive të të Licensuarit ose mes Bizneseve Shoqëruese për mbështetje financiare të nje aktiviteti ose biznesi me koston e nje tjetri.
<b>Furnizim me energji</b>	Është shitja, përfshirë rishitjen e energjisë elektrike tek klientët.
<b>ERE</b>	“ERE” do të thotë Enti Rregullator i Energjisë që është institucioni rregullator i sektorit të energjisë elektrike dhe gazit natyror, i cili funksionon në përputhje me ligjin 43/2015 “Për Sektorin e Energjisë Elektrike” dhe ligjin nr. 102/2015, “Për Sektorin e Gazit Natyror”.
<b>Forca Madhore</b>	Është një akt ose ngjarje natyrore apo shoqërore, si tërmetet, rrufetë, ciklonet, përmytjet, shpërthimet vullkanike, zjarret ose luftërat, konfliktet e armatosura, kryengritjet, veprime terroriste ose ushtarake, të cilat pengojnë të licencuarin të

	përmbushë detyrimet e tij sipas licencës, si dhe akte apo ngjarje të tjera që janë përtej kontrollit të arsyeshëm dhe që nuk kanë ardhur për faj të të licencuarit dhe i licencuari nuk ka pasur mundësi të shmangë një akt ose ngjarje të tillë nëpërmjet ushtrimit të vullnetit, përpjekjeve, aftësive dhe kujdesit të tij të arsyeshëm
<b>Prodhimi</b>	Është procesi i prodhimit të energjisë elektrike nga burime primare të energjisë.
<b>Njësi Prodhimi</b>	Njësite individuale dhe/ose pajisjet kryesore të impjantit ose impjanteve të poseduara nga I Licensuari për prodhim të energjisë elektrike siç përkrahur në mënyrë më të plotë në Aneksin A.
<b>Legjislacioni në Fuqi</b>	Ligjet e Republikës së Shqipërisë të miratuara nga Kuvendi i Shqipërisë, dhe aktet e tjera nënligjore të miratura nga ERE apo organet e tjera të ngarkuara me ligj.
<b>Liçencë</b>	Është një e drejtë që i jepet një personi për ushtrimin e një veprimtarie në sektorin e energjisë elektrike, në përputhje me dispozitat e ligjit nr. 43/2015, “Për Sektorin e Energjisë Elektrike”.
<b>I Liçensuari</b>	Personi që mban këtë Liçencë për prodhimin e Energjisë elektrike i përmendur në faqen e parë të kësaj Liçence.
<b>Personi</b>	Person do të thotë çdo person juridik i krijuar në përputhje me legjislacionin në fuqi.
<b>Central i Energjisë Elektrike</b>	Është një tërësi godinash dhe impiantesh të caktuara, të cilat kanë si funksion bazë prodhimin e energjisë elektrike.
<b>Sistemi i Energjisë Elektrike</b>	Është një sistem i ndërlidhur, i përbërë nga centralet elektrike, linjat elektrike, nënstacionet dhe pajisjet e transmetimit e shpërndarjes, me qëllim transmetimin apo shpërndarjen e energjisë elektrike të klientët
<b>Tarifat e Rregulluara</b>	Nje tarife, e aprovuar nga ERE-ja sipas Legjislacionit në Fuqi.
<b>Rregulloret dhe Rregullat</b>	Standartet, kodet, rregulloret, urdherat dhe rekomandime të tjera të miratuara nga ERE.
<b>Transferimi</b>	Transferim do të thotë çdo shitje, dhënie me qera, ose ndonjë disponim tjetër, i plotë ose i pjesshëm, i se drejtes për t’u angazhuar në Aktivitetin e Liçensuar apo i aseteve që shërbejnë për aktivitetin e licensuar.
<b>Operatori i Sistemit të Transmetimit (OST)</b>	Është personi juridik, përgjegjës për operimin, mirëmbajtjen dhe zhvillimin e sistemit të transmetimit, duke përfshirë interkoneksionet me sistemet e tjera ndërkufitare, për të siguruar aftësinë

	afatgjatë të sistemit për plotësimin e kërkesave të arsyeshme për transmetimin e energjisë elektrike.
<b>Operatori i Sistemit të Shpërndarjes (OSSH)</b>	Është një person juridik, përgjegjës për operimin e sigurt, të besueshëm dhe të efektshëm të rrjetit të shpërndarjes, duke siguruar mirëmbajtjen dhe zhvillimin e sistemit të shpërndarjes, të shtrirë në një zonë të caktuar dhe, kur është e aplikueshme, lidhjet e tij me sisteme të tjera për të siguruar aftësi afatgjatë të sistemit për të përmbushur kërkesat e arsyeshme për shpërndarjen e energjisë, në harmoni me mjedisin dhe efikasitetin e energjisë.
<b>Shërbimi publik</b>	Është shërbimi që sigurohet nga një i licencuar që operon në sektorin e energjisë elektrike, që lidhet me sigurinë dhe cilësinë e furnizimit, çmimet e rregulluara në sektorin e energjisë elektrike, efikasitetin e energjisë elektrike, energjinë nga burimet e rinovueshme, mbrojtjen e mjedisit, përmbushja e të cilit nuk cenon konkurrencën, përveç kur është e domosdoshme për të siguruar shërbimin publik në fjalë.

## 2. Kryerja e Aktivitetit të Liçensuar

2.1 I Liçensuari autorizohet nga kjo Liçence për të ushtruar Aktivitetin e Liçensuar në centralet elektrike që përdorin Njesite Prodhuese të specifikuar në Aneksin A. I Liçensuari, në çdo kohë dhe në çdo aspekt të Aktivitetit të tij të Liçensuar, do të prodhojë Energji Elektrike në përputhje me standartet e miratuara në legjislacionin në fuqi.

2.2 I Liçensuari do të njoftojë menjehere ERE-n për çdo ndryshim në fuqinë e instaluar të secilit prej Njesive Prodhuese ose centraleve elektrike të identifikuar në Aneksin A që rrisin ose ulin kapacitetin prodhues të disponueshëm nga i Liçensuari.

2.3 Çdo rritje e kapacitetit të instaluar, që kalon 10% të sasisë të kapacitetit të identifikuar në Aneksin A, do të kërkojë një amendim të kësaj Liçence.

2.4 Në rrethanat e përcaktuara në nenin 36 të ligjit nr. 43/2015 dhe me qëllim që të nxitet konkurrenca në tregun e energjisë elektrike, ERE sipas kushteve të vendosura nga Këshilli i Ministrave mund të kufizojë here pas here, kapacitetin total prodhues të autorizuar nga kjo Liçence.

2.5 Jo më vonë se 30 ditë nga leshimi i kësaj liçence i Liçensuari do të sigurojë jeten dhe shëndetin e njerëzve si dhe asetet që shërbejnë për ushtrimin e aktivitetit në përputhje me Legjislacionin në fuqi.

2.6 I Liçensuari nuk do të pengojë, parandalojë ose tentojë të pengojë të liçensuarit e tjerë ose konkurrentet potenciale që të angazhohen ose të hyjnë në mënyrë të ligjshme në një nga aktivitetet në sektorin e energjisë elektrike në Republikën e Shqipërisë;

2.7 I Liçensuari nuk do të angazhohet ne Nder-Subvencionime. I Liçensuari do të ndaje llogarite e tij financiare sipas aktiviteteve qe ushtron ne perputhje me parashikimet e nenit 35 te ligjit 43/2015 “Per sektorin e energjise elektrike”.

2.8 I Liçensuari nuk do të angazhohet ne asnje forme aktiviteti monopol të ndaluar nga Legjislacioni ne Fuqi ose rregulloret dhe rregullat e aprovuara nga ERE.

2.9 I Liçensuari do ta kryeje Aktivitetin e Liçensuar ne përputhje me parimet e eficencës ekonomike dhe objektivin për arritjen e kostove me të ulta.

2.10 I licensuari do të informoje ERE përpara se të fillojë cdo aktivitet tjetër të ndryshëm nga ai për të cilin është licensuar. ERE ka të drejtë të ndalojë ushtrimin e cdo aktivitetit tjetër të ndryshëm nga ai i të licensuarit kur e shikon të arsyeshme.

2.11 I Liçensuari nuk duhet të angazhohet ne aktivitete të tjera, qe pengojne ose mund të pengojne kryerjen e duhur të Aktivitetit të Liçensuar.

2.12 I Liçensuari do të informoje ERE para se të ndermarre ndonje aktivitet, përveç Aktivitetit të Liçensuar. ERE mund të marrë masa në lidhje me të Liçensuarin nëse kryen çdo aktivitetin të ndaluar nga ERE, përveç Aktivitetit të Liçensuar. Rastet në të cilat ERE mund të pengojë kryerjen e ndonjë aktiviteti tjetër kur qëllimi është mbrojtja e shëndetit të njerezve apo raste të tjera të natyrës së Forcës Madhore.

### **3. Detyrimet e të Liçensuarit**

I Liçensuari do të zbatojë Legjislacionin në Fuqi përfshirë dhe detyrimet e shërbimit publik të caktuara në perputhje me ligjin 43/2015 “Për Sektorin e Energjisë Elektrike.

#### **3.1 Rregjistrimi**

I licensuari do të regjistrohet si pjesmarrës i tregut shqiptar të energjisë elektrike pranë Operatorit të Tregut sipas procedurave të regjistrimit dhe do të zbatojë parashikimet e VKM nr. 244, datë 31.04.2016, Rregullat e Tregut shqiptar të energjisë elektrike dhe aktet nënligjore të miratuara nga ERE për këtë qëllim.

#### **3.2 Llogaritë dhe Raportimi**

3.2.1 I Liçensuari do të mbajë rregjistra llogarie dhe do të përgatisë bilance financiare konform legjislacionit në fuqi dhe standarteve ndërkombëtare të kontabilitetit. I Liçensuari do t’i dorezoje ERE-s bilancet financiare vjetore së bashku me raportet e auditit brenda dates 31 Qershor të çdo viti.

3.2.2 I licensuari do të raportojë cdo muaj në ERE mbi energjinë e prodhuar gjatë një muaji, orët e punës, problematikat e hasura gjatë operimit. Të Liçensuarit i kërkohet të përgatisë dhe t’i paraqesë ERE-s deri me 31 Janar të çdo viti, nje raport vjetor lidhur me operimet e tij gjate vitit kalendarik të mëparshëm dhe që përmban sa më poshte:

1. nje përmbledhje dhe analize të aktiviteteve të te Liçensuarit;
2. prodhimin e energjisë elektrike gjate vitit;

3. cilësinë e prodhimit dhe detaje të çdo mase të marrë për përmirësimin e cilësisë së prodhimit;

4. çdo defekt të ndodhur gjatë vitit;

5. detaje mbi çdo ndryshim të bëra në Asetet e Prodhimit, përfshirë detaje të çdo elementi që është zgjeruar, nxjerrë jashtë përdorimit ose zëvendësuar gjatë vitit.

3.2.3 Nëse i Liçensuari parashikon një situatë emergjente siç përcaktohet nga Legjislacioni në Fuqi, i Liçensuari do të njoftojë pa vonesë ERE-n dhe ky njoftim do të përshkruajë çfarë masash do të marrë i Liçensuari për të parandaluar ose përmirësuar ndikimet e situatës emergjente në prodhimin e energjisë elektrike.

3.2.4 I Liçensuari do të ndajë shpenzimet e përbashkëta mes Aktivitetit të tij të Liçensuar dhe aktiviteteve të tjera (përfshirë ato të liçensuara). I Liçensuari do t'i paraqesë ERE-s dokumentacionin që tregon bazat për ndarjen e shpenzimeve të përbashkëta.

3.2.5 I Liçensuari do të njoftojë ERE-n brenda 10 diteve për çdo ndryshim të:

a) adresës;

b) statutit të Liçensuarit;

c) çertifikatës së regjistrimit;

d) NUIS;

e) drejtuesve kryesore;

3.2.6 Gjithë njoftimet zyrtare, aplikimet, peticionet, deklaratat ose korrespondenca tjetër me ERE-n lidhur me detyrimet sipas kësaj Liçence duhet të jenë me shkrim, duke caktuar respektivisht nga një zyrtar të autorizuar ose përfaqësues tjetër të Liçensuarit ose të ERE-s. Keto dergohen me korrier ose poste të regjistruar, duke kërkuar një verifikim të fletës së marrjes. Adresat e Paleve duhet të vendosen mbi zarf. Gjithë njoftimet ose korrespondenca tjetër do të konsiderohen se hyjnë në fuqi nga momenti i dorëzimit, ose nëse nuk janë dorëzuar për shkak të gabimit të derguesit, nga momenti i prezantimit. Do të konsiderohen të pranuar edhe gjithë njoftimet e dërguara përmes postes elektronike zyrtare të komunikuar me parë zyrtarisht nga palet.

### **3.3 Përdorimi i Informacionit**

3.3.1 I Liçensuari do të sigurojë që çdo informacion i marrë nga të tjerë si rezultat i Aktivitetit të tij të Liçensuar nuk do të jepet askujt, me përjashtim të rasteve kur:

a) jepet pëlqimi paraprak me shkrim i Personit me të cilin lidhet informacioni;

b) kur informacioni është bërë publik;

c) të Liçensuarit i kërkohet ose i lejohet të përhapë informacionin për të përmbushur Kushtet e kësaj Liçence sipas një urdheri të ERE-s, ose çdo dispozite ligjore të aplikueshme.

3.3.2 I Liçensuari do të sigurojë që çdo Biznes Shoqërues nuk do të përdorë asnjë informacion në posedim të Liçensuarit për të fituar një avantazh konkurrues të pajustificuar, dhe do të sigurojë që nuk do të përhapë asnjë informacion tek ndonjë Person tjetër (përfshirë ata të një Biznesi tjetër



Shoqërues) gjë që do të mundësonte këtë Person të fitonte çdo lloj avantazhi komercial të pajustificuar.

3.3.3 Informacioni i dërguar ERE-s nga i Licensuari do të konsiderohet publik me përjashtim të rasteve kur me kërkesë specifike të të Licensuarit, ERE- me vendim, përcakton që ky informacion është i natyrës pronësore dhe se përhapja e tij nuk i shërben interesit publik.

3.3.4 I Licensuari do të zbatojë Kodet, Rregulloret dhe Rregullat e tjera të aprovuara nga ERE-ja si dhe rregullat e operimit dhe shfrytëzimit të OST, përfshirë kryerjen e gjithë urdhërave operative, instruksioneve ose udhëzimeve dhe paraqitjen e informacionit teknik dhe gjithë dokumentacionit tjetër të kërkuar nga OST apo OSSH.

### **3.4 Detyrimet ndaj Operatorit të Sistemit të Transmetimit**

3.4.1 I Licensuari do të sigurojë Shërbime Ndhimëse sipas marreveshjeve të lidhura me Operatorin e Sistemit të Transmetimit në përputhje me legjislacionin në fuqi.

3.4.2 Marreveshjet për shitblerjen e energjisë elektrike me cmime të rregullura duhet të përputhen me kontratat model të miratuara nga ERE.

### **3.5 Rritja ose Ulja e Kapacitetit Prodhues.**

3.5.1 I Licensuari do të informojë ERE-n dhe Operatorin e Sistemit të Transmetimit mbi reduktimin e pjesshëm ose të plotë të kapacitetit prodhues, të pakten një vit para realizimit të tij duke paraqitur një shpjegim të detajuar për këtë qëllim. ERE-ja mund ta përjashtojë të Licensuarin nga ky detyrim në rast se reduktimi i kapacitetit të prodhimit shkaktohet nga një Forcë Madhore.

3.5.2 Mosmarreveshja mes të Licensuarit dhe një të licensuari tjetër që ka të bëjë me një çështje brenda juridiksionit të ERE-s që nuk mund të zgjidhet nëpërmjet negociatave të palëve, do të zgjidhet nga ERE-ja, pasi të dëgjojë më parë palët, brenda qëllimit të autoritetit të ERE-s dhe në përputhje me Rregulloret dhe Rregullat e tij.

### **3.6 Pagesat e Rregullimit**

3.6.1 I Licensuari do të paguajë pagesën e rregullimit në mënyrën e përcaktuar nga ERE gjatë afatit të kësaj Liçence në përputhje me nenin 17 të Ligjit Nr. 43/2015 “Për Sektorin e Energjisë Elektrike”.

3.6.2 Nëse i Licensuari nuk i paguan ERE-s pagesat e rregullimit në përputhje me paragrafin 3.10.1, brenda afatit të përcaktuar në ligjin nr. 43/2015, “Për sektorin e energjisë elektrike”, i Licensuari do të penalizohet në përputhje me Nenin 107, të po këtij ligji.

## **4. Kontrolli mbi Kryerjen e Aktivitetit të Licensuar**

4.1 ERE-ja do të monitorojë zbatimin e Kushteve të Liçensës nga i Licensuari, do të shqyrtojë raportet e marra nga i Licensuari dhe, në çdo kohe, mund të monitorojë regjistrimet e llogarive të të Licensuarit dhe të kërkojë një auditim teknik dhe/ose kontabël të aktiviteteve të tij.

4.2 Përfaqësues të autorizuar të ERE-s kanë të drejte të monitorojë objektet e të Liçensuarit, pajisjet dhe dokumentat e tij për të verifikuar përputhjen e kryerjes së Aktivitetit të Liçensuar me kushtet e liçensës si dhe aktet ligjore në fuqi. I Licensuari do të marrë cdo masë të nevojshme për të siguruar monitorimin nga ana e ERE pas marrjes së njoftimit.

4.3 Në bazë të ankesës së çdo pale të tretë ose në bazë të vetë propozimit të ERE-s, ky i fundit mund të nisë një hetim mbi zbatimin nga i Licensuari të kushteve të Liçencës së tij ose të akteve ligjore në përputhje me kompetencën e ERE në sektorin e energjisë elektrike.

4.4 I Licensuari do të informojë ERE-n duke dhënë shpjegimet dhe arsyet për çdo shkelje të ketyre Kushteve të Liçencës brenda 7 diteve pune nga momenti kur kjo shkelje behet e njohur për të Liçensuarin.

4.5 Nëse pas hetimit, ERE konkludon se i Licensuari nuk i ka zbatuar Kushtet e Liçencës, ERE mund të korrigjojë tarifën dhe kontratat e të Liçensuarit dhe/ose të marrë masa të tjera brenda qëllimit të autoritetit të tij për të mbrojtur interesat e konsumatoreve të energjisë elektrike.

4.6 I Licensuari do t'u bindet vendimeve të marra nga ERE-ja, përfshirë pagesën e gjobave të vendosura nga ERE-ja, në përputhje me Legjislacionin në Fuqi.

## **5. Amendamenti i Liçencës**

5.1. ERE-ja mund të amendojë Kushtet e Liçencës në rast si më poshtë:

- a) me iniciativë të ERE;
- b) në bazë të një vendimi gjyqësor të formës së prerë,
- b) kur ndryshojnë kushtet e kontratës koncesionare
- c) me kërkesën e të licencuarit

ERE merr në konsideratë ndikimet e pritshme që modifikimet e iniciuara apo të propozuara sjellin ndaj detyrimeve që i licencuari ka në përputhje me ligjin nr.43/2015 dhe kushtet e licencës së tij si dhe Rregullores për Procedurat e Licensimit, Modifikimit, Transferimit Rinovimin dhe Heqjen e Licensave në Sektorin e Energjisë Elektrike .

5.2. Përpara miratimit të modifikimit të një licence, ERE publikon modifikimet e propozuara dhe shqyrton vërejtjet ose ankesat e mundshme, të paraqitura nga palët e interesuara lidhur me këtë proces.

## **6. Heqja e Liçencës**

6.1 ERE heq një licencë kur i licencuari:

- a) nuk përmbush më kushtet thelbësore të licencës së dhënë ;

- b) shkel dispozitat ligjore për mbrojtjen e mjedisit gjatë kryerjes së veprimtarisë së tij;
- c) rrezikon jetën, shëndetin dhe pasurinë e qytetarëve;
- ç) nuk kryen pagesat e rregullimit, të vendosura nga ERE,
- d) bëhet financiarisht i paaftë ose kërkon shpalljen e falimentimit;
- dh) me kërkesë të të licencuarit;
- e) ka pushuar së kryeri funksionet e caktuara sipas licencës.

6.2 Nëse i Licensuari ndryshon statusin e tij ligjor ose nëse aksioneri/ortaku që kontrollon interesat e të Licensuarit ndryshohet pa autorizimin e ERE-s, Liçenca bëhet nul (e pavlefshme) dhe anulohet dhe pasuesi i të Licensuarit do të aplikojë për një liçencë të re në përputhje me procedurat e ERE-s për dhenie liçence.

- a) Kjo License mund të transferohet vetëm me vendim me shkrim të ERE-s dhe sipas afateve dhe kushteve të vendosura nga ERE. Çdo vendim i ERE-s për ndonjë transferim të kësaj Licence do të jetë subjekt i gjyqimit të ERE-s nëse personi të cilit i transferohet licenca do të ketë aftësinë teknike dhe financiare për të plotësuar afatet dhe kushtet e kësaj Licence.
- b) Çdo transferim i kësaj Licence pa miratimin e ERE-s do të anulohet dhe do të përbëjë një shkelje të kësaj Licence. Kur Licensa përfundon si pasojë e shkeljeve nga i Licensuari të kushteve të Licences, i Licensuari do të përgjigjet për koston që i shakton ERE-s, dhe pjesëmarrësve të tregut si rezultat i këtij përfundimi, siç përcaktohet nga ERE, përfshirë kostot lidhur me transferimin e rregullt të Licensës tek një i Licensuar i ri.
- c) Kur ERE përcakton se i Licensuari ka shkelur një ose më shumë kushte të Licensës, të Licensuarit do t'i jepet një mundësi e arsyeshme për ta korrigjuar shkeljen para përfundimit të Licensës. Përrjashtim bëjnë rastet kur nga organet kompetente konstatohen shkelje të natyrës korruptive.

## **7. Zgjidhja e Mosmarrëveshjeve dhe e Drejta për Apelim**

7.1 Cdo çështje e diskutueshme ose kërkesë mes të Liçensuarit dhe çdo Përdoruesi të Sistemit të Transmetimit lidhur me Aktivitetin Dispeçerues ose kushtet e Liçencës do të zgjidhet sa më shume që të jetë e mundur me mirëkuptim.

7.2 Nëse zgjidhja nuk arrihet me mirëkuptim, atëherë ERE-ja në bazë të kërkesës së një prej palëve në mosmarrëveshje do ta zgjidhë mosmarrëveshjen dhe do të nxjerrë vendimin e tij në përputhje me Legjislacionin në Fuqi.

7.3 Çdo palë në konflikt mund të apelojë kundër vendimeve të ERE-s në Gjykatën Administrative Tirane Brenda 30 ditëve kalendarike nga data e publikimit të vendimit në Fletoren Zyrtare.

7.4 Subjektet e licencuara do të zbatojnë vendimet e ERE-s, deri në një vendim gjyqate të formës së prerë".

Seria: \_\_\_\_\_

Numri i Liçencës: \_\_\_\_\_

**Republika e Shqipërisë**  
**Enti Rregullator i Energjisë**

**LICENCË**  
**PËR**  
**PRODHIMIN E ENERGISË ELEKTRIKE**

Licenca i jepet: \_\_\_\_\_

Data e hyrjes në fuqi të këtij Aneksi: \_\_\_\_\_

## ANEKSI A

### LISTA E AUTORIZUAR E IMPJANTEVE DHE NJËSIVE GJENERUESE TË ENERGJISË ELEKTRIKE

Impianti

---

Numri i Njesise

---

Kapaciteti I Instaluar

---

Dt. e Venies ne Sherbim

---